

معجزة أسماء الله الحسنى | #لقاء_خاص | د. حازم شومان

حازم شومان

السلام عليكم ورحمة الله وبركاته. اخواني واخواتي في الله. الله سبحانه وتعالى جعل جنة الدنيا قبل جنة الآخرة. اعظم جنة الانسان يقدر يعيشها في الدنيا هي جنة اسماء الحسنى. اسماء الحسنى دي معجزة. معجزة اقعد دور كده في اليهودية في المسيحية في جميع الاديان اللي موجودة على وجه الارض. ما فيش في الاديان - 00:00:01

دي كلها حاجة اسمها الاسماء الحسنى اللي عندها. اللي عندنا. حاجة اسمها اسماء من احصاها دخل الجنة. كلمة النبي عليه الصلاة والسلام من احصاها دخل الجنة فتحت في الاسلام مجال جبار للسعادة والفرحة. اسماء الحسنى تخليكي تحلي مشاكل حياتك كلها. وانت قاعدة مكانك بمعرفتك لله. لان - 00:00:24

في معزم مخاوفنا وهم. معظم الائننا وهم معظم عذابنا وهم. معظم مشاكلنا بسبب اوهام ومخاوف وهمية. الاسماء الحسنى بتفتح مجال جبار ان احنا نعيش حياة سليمة. وحياة جميلة. السبب الوحيد للسعادة على وجه الارض هو الاسماء الحسنى. عشان كده يا جماعة كل اسم من اسماء الله فيه ناس بتلاني الاسماء - 00:00:44

زي بعضها. الودود الله! جميل! طب ما هو اللطيف! طب ما هو الكريم! طب ما هو حسيب! طب ما هو الوكيل. يا جماعة لأ. كل اسم من اسماء الله له مجال عمله - 00:01:04

مناطق له استخدام له لحظات معينة في حياتك وحياتك انت محتاج انك تفتكر الاسم ده فيها عشان يفرق معك. النهاردة احنا نتكلم عن نقطة في كل اسم من اسماء الله الحسنى. يعني نقدر نقول انها مراجعة سريعة على اسماء كثير. جدا نبدأ من اول اسم الله. يعني درس النهاردة يا جماعة هدفه - 00:01:14

ان احنا نفهم ان كل اسم له نقطة غير الثاني. وبيعيشك في افق غير الثاني خالص وان كان فيه قاسم كبير. مشترك ما بين كل الاسماء ولكن كل اسم له ميزة مش موجودة في اي اسم ثاني. يعني الله كلمة الله. كلمة الله يعني الذي - 00:01:34

العقول في عظمتة. اللي ما اللي العقول تتوه في جلاله وكماله. وعظمتة ما يعني احساس رهيب عشان كده كلمة الله قالوا ان الوله الوله ده يعني اسمى درجات الحب واعلى درجات الحب يقول لك فلان ده ولهان. يعني الله سبحانه وتعالى الحب اللي المفروض يقدر - 00:01:50

لله من يستحق الحب ده اعظم حب. الله سبحانه وتعالى من اسماء الله الحسنى السبوح. يعني ايه السبوح؟ الذي تسبح قلوب وعقول الصالحين في عظمتي عظمة ربنا بحار لا شيطان لها. حدش يقدر يحيط. يعني جرب كده انك تقعد تسبح. السبوح يكون كله بيسبح ربنا - 00:02:10

الفيزا بيسبح على ايات غير الايات اللي بيسبح عليها عالم الكيمياء. غير الايات اللي بيسبح عليها عالم الاحياء غير الايات اللي بيسبح عليها عالم الطب. غير الايات اللي بيسبح عليها الفلاح وهو في ارضه غير - 00:02:30

الايات اللي بيسبح عليها كل واحد بيسبح ولكن كل واحد له ايات غير الثاني واوحى في كل سماء امرها كل ملك من ملاك السموات بيسبح ربنا على ايات غير الثاني وعلى شواهد للجلال غير الملك الثاني ما هي نفدت كلمات الله. فاسم الله الصبح الذي تسبح قلوب وعقول الصالحين - 00:02:40

في عظمتة وفي جلاله. الواحد احياننا يقعد يسبح ربنا على حاجات في خلق المخ في خلق الهرمونات. في خلق الكلى في خلق شوية لا لا تلاقي نفسك مشدود لحاجات في الفلك والسموات شوية. تقعد تسبح ربنا على العرش وعلى الكرسي وعلى صارف الاقلام. وعلى

البيت المعمور وعلى سدره المنتهى وعلى المأ الأعلى - 00:03:00

شوية تلاقي نفسك عايش مع الملائكة في السماوات السبع وهي بتسبح وقاعد في شوية تلاقي انت انت نفسك مش قادر تستقر في التسبيح حاجة دون شيه. السبوح الذي تسبح القلوب والعقول فيه بحار عظمتة وجلاله. من اسماء الله العظيمة الرؤوف. الرؤوف ده ايه - 00:03:20

اسم بيديك امل جميل قوي في حاجة. هو ينفع الجنيه يبجي من غير طلوع الروح؟ هو ينفع انجح من غير شقى؟ هو ينفع انجح من تمرط واتبهدل والدنيا اتعلم في وشي بالتجاعيد والدنيا تعلم في قلبي بالهم هو ينفع - 00:03:40

في رجل اعمال يببقى غني ولكن كل جنيه دفع تمنه من اعصابه. النجاح بمشقة وفيه واحد ربنا ميسر له النجاح فالجاريات يسأل الرؤوف اسم ضد المشقة. اسم بيوعدك ان ربنا ممكن يشيل عنك المشقة في حياتك. فتنجح من غير مشقة. توصل - 00:04:00 من غير مشقة اسماء ربنا جميلة. وبتخلي اعظم قيمة في حياتك هي العبادة. بس عايزين نعلي بتاعة العبادة بتاعتنا يا جماعة. تعرفي تقعدي اربع ساعات تسبحي ربنا. تعرف تقعد زي السيدة جويرية كده من الفجر للظهر. جلسة ضحى من الفجر للظهر بتسبح ربنا. قاعدة تسبح ربنا من الفجر للظهر - 00:04:20

تعرف تقعد جلسة حمد زي جلسة الضحى بتاعة ابن تيمية. اللي كان بيقرأ سورة الحمد اللي هي سورة الفاتحة من الفجر لحد قرب عشرة الصبح. يعني واحد قاعد يحمد ربنا - 00:04:40

خمس ست ساعات تعرف تعبه. تعرف تعبد ربنا اياك نعبد اياك ده. وانت بتقول اياك ده قاعد تفتكر الكرسي والعرش وتفتكر ان عالم ما فوق سدره المنتهى وعالم ما تحت سدره المنتهى. جبريل من ملائكة ما تحت سدره المنتهى. اسرافيل من ملائكة ما فوق سدره المنتهى - 00:04:50

على عوالم يا جماعة سبحان الخالق العظيم ملك واحد من حملة العرش رجله في الارض السابعة ورأسه تحت العرش. ده مخلوق واحد من اومال عظمة الخالق سبحانه وتعالى؟ فانت يعني اسماء الله الحسنى محتاجة عبادة. لانها بتوعدك بعود عظيمة. ولكن الوعود دي - 00:05:11

للي هيصى مع ربنا سبحانه وتعالى وهي عبد ربنا سبحانه وتعالى. على قد ما تعبد على قد ما تاخذ حظ من هذه الاسماء. الحسنى من الاسماء العظيمة اسم الله الجبار اسم الله الجبار فيه ناس بتربطه دايمًا بالجبر الاجبار يقول لك ده مسار اجباري فيه اجباري -

00:05:31

خرم في المدرسة دي يوني فورم اجباري. القوانين دي قوانين الزامية واجبارية. كل ده المعنى الاساسي في اسم الله الجبار ايه لان احيانا فيه حاجات لو ما اجبرش الناس عليها الناس كلها تروح في داهية اصلا. يعني يقول لك يتر اجباري. طب ما لو فيتشي! طب ما انت هتدخل في وش عربية والدنيا كلها تولع. وهتبقى كارثة - 00:05:51

انما برضه المعنى الاساسي في الجبار ايه؟ مين الجبر؟ جبر الكسر زمان كان فيه واحد اسمه المجراتي. وانا طفل صغير كان لسه دكاترة العزام ما انتشروش قوي فكانت لما مسلا حد منها رجله تتكسر ولا حاجة تاخده للمجبرات. المجراتي ده واحد بقى اللي بيعمل الجبيرة فالرجل تلتئم باذن الله. يبقى الجبار اللي بيجبر - 00:06:11

قلبك اللي بيجبر كسر نفسك. واحدة اتطلقت ونفسيتها اتكسرت. والستات كلها خايفة تقرب منها احسن جوزها يبص لها. والناس كلها اعدام مطلقة ورغم ان النبي اتجوز ارملة واتجوز سنها كبير واتجوز النبي يعني زواجاته ارسل بها رسالة للامة - 00:06:31

بيقول لهم ان اي امرأة هي انسانة لا تزال صالحة للطاء والحنان والاحتواء اي امرأة حواء. احتواء نفسي وعندها طاقة ولكن يعني المجتمع الوقتي ممكن يكون كثير منه فواحدة نفسياتها مكسورة مين اللي يجبر كسرهما؟ ربنا. اسم الله الجبار بيقول لك ان انت نفسياتك زي ورقة السلوفان. اي حاجة تبوز لك نفسك - 00:06:51

اي حاجة تبوظ لك مزاجك. اي حاجة معزم الناس اللي بيجي لهم فوبيات وامراض نفسية بيجي لهم لانه اتعرض لموقف في اسانسير

فمش عارف مكان في حاجة اتقفلت عليه في حاجة ايه يتعقد ويجي له عقدة ويفضل خايف يفضل مسجون جوة سجن الخوف.

00:07:11 - ويفضل خايف يعيش وخايف يتحرك وخايف يروح وخايف يبجي وخايف يسافر. وخايف -

ليه ؟ عشان موقف صغير نفسيتك زي ورقة السولوفان. اى حاجة تكسرهما. تخيل بقى الدنيا واحداسها اللي قاعدة تشرخ فى نفسياتنا.

مين يجبر نفسيتك تاني. يعني ايه الجبار؟ يعني اللي يقدر يرجعك تاني تضحك من قلبك. يعني اللي يقدر يرجع لك قوتك النفسية

00:07:31 - تانى. يعنى الله يقدر -

جعلك صفاء نفسك تاني. حداث يقدر يجبر كسر ك دنيا ولا اخره الا الجبار. من الاسماء الجميلة قوي. اسم الله الحبيب. اسم الله

ييقول لك اطمئن انت ما انتش لوحك. ربنا حسبيك سبحانه وتعالى وهو اسرع الحاسبين. ما حدش هيديك حسابك لو عملت صالح

اسرع من ربنا سبحانه وتعالى - 00:07:51

اسرع الحاسبين ومنهم من يقول ربنا اتنا في الدنيا حسنة وفي الآخرة حسنة وقنا عذاب النار. جميل قوى ناس حجت وخرجت

موصولة بالله وبتطلب من ربنا الدنيا والاخرة فربنا يقول للحجاج ايه؟ اولئك لهم نصيب مما كسبوا والله سريع الحساب. العمل

الصالح اللي انت عملته والجمرات اللي رميتها والعبادة - 00:08:11

اللى عكفت عليها فى منى والطواف واذاى ؟ هتشوف سرعة حساب ربنا لك دنيا قبل الاخرة. وثواب ربنا سبحانه وتعالى. الحسيب

يَقُولُ لَكَ إِنَّ كُلَّ هَتْتَعَبٍ عَلَى قَدِّ مَا هَتْتَعَبَ مَعَ رَبِّنَا هَتَّاخْدُ. عَلَى قَدِّ مَا هَتَّجَاهِدُ مَعَ رَبِّنَا. عَلَى قَدِّ مَا رَبَّنَا هَيِّدِيكَ وَهَيِّفَتْحَ عَلَيْكَ.

الحسيب يقول لك ان كل حاجة فى الكون محسوبة بالسانية - 00:08:31

كل حاجة في جسمك محسوبة سنة الواحد بيتوه يا جماعة. والله العزيز حاجة تتوه العيال اسم الله الحسيد في الكون يطول عقد

علماء الملحين دلوقتى واخدين كمية خبطات الجازية نسبة سابعة. القوى الكهرومغناطيسية نسبة سابعة نسبة - 00:08:51

هيدروجين في في النجوم والصدم والنسمة سابتة. آآ نسبة كل حاجة في الكون سوابت. كل حاجة محسوبة. محسوبة سانية

محسوبة الهرمونات جودة جسمك محسوبة بالميكرو. كل حاجة محسوبة بالزبط. الاقدار حياتك محسوبة بالسانية. فى لحزة الفتح

00:09:08 - لحزة الرزق

لحظة الفرح. لحظة كل ده لحظة اللي هتقابل اللي هتجوزها. لحظة ان هتحمل امتي لكل ده؟ هسيب لك حياتك نفسك في

الحسابات. ربنا وفر عليك الحسابات. تتعب قلبك ليه؟ الوكيل بقى بيوعدهك بحاجة عزيمة قوى ان فيه حد هيشيل الحمولة عنك -

00:09:28

ان في حد هيحملها عنها هو في حد ممكن يشيل عني؟ هو في واحد ممكن يعملها مكاني؟ في حد الوكيل سبحانه وتعالى. نعم الوكيل

فاسم الله الوكيل يريح قلبك الله الوكيل يقول لك كلمة خاصة. لو كتبتها كده قدامك وعشتها يعنى يعنى شعار فى حياتك هتعيش

سعيد. العمل عمل ربنا. العمل عمل - 00:09:48

ربنا سبحانه وتعالى من اسماء الله الحسنی الجميلة قوى التواب. یعنی ایه التواب؟ یعنی کل الی انکسر ممکن يتصلح. التواب یعنی

التوبة الرجوع يعنى الى ممكن يرجع لك كل حاجة راحت منك زنوبك ضيعتها منك زى الغفور الغفور الغفور الى بيحميك من اسار

زنبوک الزنوب دی معاوی - 00:10:08

والقعدة تهد فيك. الغفور بقى المغفر اللي هو الخوزة بتاعة القتال. اللي هو الواحد بيدخل القتال بقى السيوف يتحمى من ضربات

السيوف على راسه. ده الايه؟ ده فانت زنوبك دي مصايب سودا كوارس. كوارس في حياتك. يعنى سقوب سوداء بتشفط كل -

00:10:28

سعادة وكل النعم اللى فى حياتك. طب مين اللى يحميك من الزنوب الغفور كل اسم من اسماء الله الحسنى له لحزة هتحتاجه فيها.

هتحتاج اسم الله الرزاق. اسم الله الرزاق النعاب اللي هو ابن الغراب لما بيتولد ريشه ابيض. امه وابوه ما بيرضوش - 00:10:48

بی‌آکله ما بی‌عرفوش اصلاً. احنا سود و حیاتنا سودا و جنین لا بی‌شوف ولا ولا بی‌عرف یعمل ای حاجة. ربنا یخلق له غدد فی بوقه

منقاره تفرز ريحة تجذب الحشرات. الديدان تيجي عند بقه يقوم واكلا. يأتيها رزقها. انت قلقان على - 00:11:03

ليه ؟ اسم الله الرزاق ويقول لك هيجي لك رزقك يأتيها رزقها. رزقك هيجي لك لحد عندك. ما تشيلش هم الرزق عيب. في حاجات يا جماعة يعني المؤمن ممكن يعني تزعله او تحزنه وربنا يقول له لا تحزن. فيه حاجات عيب انها تزعلك اصلا. هم الرزق عيب ان مؤمن اصلا يشيل هم الرزق - [00:11:23](#)

ليه ؟ اسأل كل الاغنياء هم كانوا ايه في يوم من الايام؟ مش لاقيين ياكلوا اصلا. واحد من الاخوة الاغنياء في القاهرة يقول لك في يوم من الايام انا لو كان حد جاب لي آآ طبق بيض - [00:11:43](#)

هدية طبق بيض اللي هو بيض ني هدية كنت انا ومراتي بنعمل فرح. الوقت ملط مليونير ايه اللي حصل والقصة ايه قصص. الرزاق بقى سبحانه وتعالى لما بيشاء انه بيرزق ما تشيلش هم الرزق. كل اسم من اسماء الله الحسنى جنة من الجنات. اسم الله العزيز. العزيز اسم جميل قوي يا جماعة. اسم جميل - [00:11:53](#)

بسم العزيز بيطمنك اوي ليه ؟ لان العزيز الذي لا يذل اولياؤه لا يسمح ان ولي من اولياؤه يتزل لا يسمع العزيز اللي ما بيتغلبش. العزيز اللي ما ما حدش يقدر يغلبه وهو شديد المحال. شديد المحال يعني ايه؟ شديد الحول والقوة. شديد الحول - [00:12:13](#)
باول ما فيش حاجة ربنا ما يقدرش يعملها. ما فيش حاجة تستعصى على ربنا. في الكون كله. يعني ايه شديد المحال؟ يقول لك ما حل عن الامر اي جادل عنه - [00:12:33](#)

عنده حجج وبيتكلم شديد المحل ما حدش هيغلب ربنا. ربنا زو الحجة البالغة. ما فيش حد من الملحدين ولا بتنوع الشبهات. هيقدر ان هو تغطي على نور الله سبحانه وتعالى شديد المحال - [00:12:43](#)

الارض ما حدثش بتطلع نبات. ام حالة السماء ما عادتش بتنزل مطر. شديد المحل يعني يقدر يمنع نعمه يقدر يقفل المحبس عن اللي بيحاربوا وواقف في وش دينه. الامحال قفل المحبس. الامحال مش ان الحنفية بتاعة الرزق تهديها. فتبقى سرسوب مائة او تبقى - [00:12:57](#)

سقط الامحال ان المحبس اتقفل تماما. يقدر يمنع عنهم كل حاجة. تخيل بقى ديت لو اتعملت في القبر ولا في الآخرة ولا اتعملت في الدنيا. يعني وهو شديد المحال انتم عارفين الله العزيز. المهيمن المهيمن اسم تحت السيطرة. كل حاجة في الكون تحت السيطرة. كل اللي لمسة وهمسة - [00:13:17](#)

تحت السيطرة كل حركة في الكون كله تحت السيطرة في المهيمن ان يقول لك ايه هيمنة الطيران الامريكي على المجال الجوي في دولة كزا البحرية مش عارف الايه على البحر الفلاني هيمنة كل حاجة تحت السيطرة. ما فيش زرة في الكون خرجت عن حكم الله. ولا زرة في - [00:13:37](#)

سيعزب عنه مثقال ذرة. ما فيش ذرة تقدر تخرج عن حكم ربنا سبحانه وتعالى. اومال ايه القيوم بقى؟ القيوم في نفس اللحظة. يعني ايه في نفس اللحظة؟ في نفس اللحظة اللي ربنا بيرتب فيها - [00:13:57](#)

رزق سبعة مليار بني ادم هياكلوا ايه بكرة؟ هي نفس اللحظة اللي ربنا بيستجيب فيها دعاء ملايكة سبع سموات. هي نفس اللحظة اللي ربنا بيرتب فيها اقدار البشر. هي نفس اللحظة - [00:14:07](#)

ربنا بيشفي فيها المرضى. هي نفس اللحظة اللي ربنا بيسمع دعاء اربعة مليون واحد واقفين على جبل عرفات. ويستجيب لهم. هي نفس اللحظة اللي ربنا سبحانه وتعالى امور الكرة الارضية والكون والمجرات هي نفس في نفس اللحظة. يعني لو انا قلت لك تابع عشر عربيات بيتحركوا تتجنن. ازاي - [00:14:17](#)

لو ركزت مع دي اسيب دي ولو ركزت يعني ما اقدرش. اصلا. انما القيوم اللي كل حاجة في نفس اللحظة بتترتب. في نفس اللحظة الشارع اللي انت ساكن فيه الحوامل اللي الستات الحوامل اللي فيه في نفس اللحظة ربنا بيدبر امر الاجنة اللي في بطونهم وبيرزقهم وبيرعاهم - [00:14:37](#)

وبيجلقهم وبينمهم. هي نفس اللحظة اللي ربنا بيرزق فيها العصافير اللي في الشجر بتاعة الشارع. والقطط والنمل هي نفس اللحظة اللي ربنا بيرتب فيها السكينة واللي رزق للناس اللي ساكنة في الشارع. هي نفس في نفس اللحظة. عشان كده القيوم اسم مذل.

سبحان الله العظيم! الملك - 00:14:57

الملك اي ملك من ملوك الدنيا لما بيصدر امر ما حدش يقدر يتكلم ليه ؟ هو اللي له التصرف. ان كل من في السماوات والارض الات

الرحمن عبدا. الملك - 00:15:17

اللي لو طلع الاوردر ما فيش حد في الوجود يقدر ان هو يتكلم. ده اسم الملك لما تشوف حد من ملوك الدنيا ظالم ولا بيصدر اوامر وما

حدش يقدر يقول له لا - 00:15:27

يعني يعني سبحان الله العظيم يعني ايه الملك؟ ربنا يقدر في اي لحزة يأمر باي امر والكون كله يضيع ويطيع ويستجيب فاسم الله الملك ده اسمه جبار يخلي قلبك يعيش مع الله. سبحانه وتعالى. الاعلى. يعني ايه اسم الله الاعلى؟ يقول لك القائد الاعلى للقوات

المسلحة. يعني ايه القائد الاعلى؟ يعني - 00:15:37

الجيش كله مأمور وده الامر الوحيد ولو قال كلمة الكل نفذ. يعني حتى في الجيش كده يقول لك نفذ وبعد كده اعترض يعني ايه

الاعلى؟ الاعلى يعني اللي لما بيامر امر الكون كله بيستجيب. عشان كده النبي عليه الصلاة والسلام لما سعد ناحية حجاب النور -

00:15:57

يقول فوصلت الى مستوى اسمع فيه صريف الاقلام. صريف الاقلام كتاب الاقزار. الملائكة اللي ربنا امرهم ان هم يكتبوا الاقدار. اسمع

فيه الاقلام الله سبحانه وتعالى قادر. الله هو الاعلى. الله سبحانه وتعالى هو الاعلى سبحانه وتعالى. فاسم الله الاعلى ده وانت ساجد

كده وتقول سبحان ربي الاعلى. يعني ايه الاعلى - 00:16:17

ما يكون الا ما يريد. ما تتعش قلبك. لا يكون الا ما يريد. الواسع. الواسع فيه بعض الاسماء يا جماعة هي هي صفات لله سبحانه

وتعالى هلا البعض يشتق منها اسماء انتم عارفين ان العلماء على قولين قول ان يجوز اشتقاق الاسماء من الصفات بضوابط معينة

طبعاً ما لم تحمل مذمة وفيه قول ان لا - 00:16:37

الواسع الواسع الواسع يعني ده باسم من اسماء الله سبحانه وتعالى ولكن انا بدي بس يعني ضبط لان انا اكلمكم دلوقتي ان شاء الله

عن المعيد وعن آآ الباعس وعن ففيه اسماء كده او فيه صفات لله سبحانه وتعالى هي مش لازم تبقى من اسماء الله او مش لازم يبقى

متفق عند العلماء انها من اسماء - 00:16:57

سبحانه وتعالى. ولكن هي صفات سابتة لله. اسم الله الواسع. الواسع اي شاب دلوقتي حلمه ايه؟ شقة مية وخمسين متر. اعيش فيها

يا ابني ربنا واسع ربنا يملك ملكوت السماوات والارض. انت مضيق افقك في اللي انت عايزه من ربنا ليه؟ عشان كده النبي لما طلب

من ربنا طلب منه ايه؟ ها واحد يقول له يا رب عايز عشر تلاف - 00:17:18

النبي قال اللهم اني اسألك من الخير كله. عاجله واجله. ما علمت منه وما لا اعلم. هو عارف هو بيطلب من مين؟ زي سيدنا سليمان

رب هب لي ملكا لا ينبغي لاحد من بعدي - 00:17:38

هو عارف هو بيطلب من مين. انت بتطلب على قدره مش على قدرك انت. احنا مشكلتنا ان احنا افقنا ضيق. في التعامل مع الله. في

في اسماء كده بتتعامل مع زوي الافق الضيق فاسم الله الواسع يقول لك وسع افقك. اطلب على قدره هو مش على قدرك انت. اطلب

هو مش عنده صعب هو علي هين. زي - 00:17:48

المدير المدير دي صفة من صفات الله سبحانه وتعالى ممكن يشتق منها اسم المدير او ممكن تبقى هي صفة من صفات الله. يعني ايه

المدير يا جماعة؟ يعني مسلا انا عايش في بلد المنصورة. المنصورة دي مسلا مسلا يعني ده كلام تاريخيا مش مزبوط. افترض ان اللي

بناها بناها من تلتمية سنة. فبناها اه فكانت بلد واسعة جدا ولكن هو ما عملش حسابه ان - 00:18:08

بعد تلتमित سنة هيبقى عدد سكانها ستة مليون وهتبقى بلد زحمة وهيبقى ما حدش عارف يروح ولا يبجي فيها. فالمدير يقول لك

دايما الحاكم الفلاني كان عنده وبعد نظر لما عمل كزا. دايما الانسان لما يبجي يخطط لحياته يخطط على المدى القصير لانه ما

يقدرش يحسبها بعد خمسين سنة هتبقى ايه. ما يقدرش يحسبها بعد اربعين - 00:18:28

تبقى ايه؟ ما يقدرش عشان كده في الاستخارة اللهم ان كنت تعلم ان هذا الامر خير لي في ديني. معاشي معادي عاقبة امري عاجله

اجله. فاقدروا في جوانب كثير ما تقدرش تحيط بها. هو ده اسم الله المدبر بقى. اللي يقدر يدبرها صح. انت تقدر تجيبها في قصر
النزر انما بعد النزر. طب بعد ما تموت - 00:18:48

الف سنة. تقدر من الوقت تخطط بعد ما تموت بالف سنة ايه الحاجات اللي تفضل تاخذ حسنات عليها؟ ما تقدرش في حاجات انت
فوق مستوى طاقة تفكيرك ولكن ربنا يقدر زي صفة الله الباعث. الباعث يا جماعة. يعني ايه الباعث؟ غير ان ربنا بيعت الاموات.
الباعث زي انك تلاقي نفسك كده قاعد زهقان - 00:19:08

وطاقات وما ليش نفس اعمل حاجة. فجأة ينبعس بداخلك. دوافع وروح معنوية جبارة. خليك بطل. فجأة تلاقي نفسك انت اصلا قاعد
وزهقان طول الليل وقاعد تقزقز لب فجأة تلاقي نفسك قاعد تصلي قيام ليل خمس ساعات ليه؟ ربنا بعس جواك دافع - 00:19:28
قلب لك حياتك. ربنا يقدر بجد فكرة واحدة مشجعة. زي بتوع البرمجة اللغوية العصبية. هي فكرة البرمجة اللغوية العصبية ايه؟ انك
انت تبرمج مخك على الكلام المشجع. انا سعيد انا سعيد انا سعيد. انا قوي انا قوي انا قوي انا ناجح انا ناجح انا اقدر انا اقدر
انا - 00:19:48

ازاي تبرمج نفسك على انك انت تقدر وانك سوپر. الاسماء الله الحسنی بتبرمجك برمجة لغة عصبية بس مش انا سعيد انا اقدر انا ربنا
يقدر. ربنا كافي. ربنا مش هيسبني. ربنا مش هيتخلنى عني. ربنا سبحانه وتعالى الكريم. ربنا الودود. ربنا. فانت بتبرمج برمجة
صادقة - 00:20:08

لان البرمجة اللغوية العصبية برمجة يعني معلىش يا جماعة يعني معظمها اشتغالات. يعني لانك انت فعلا لا انت قوي ولا انت بتاع ولا انت
انما البرمجة بتاعة اسماء الحسنی برمجة صادقة. وبرمجة حقيقية وبرمجة واقعية. اه ربنا يقدر. ايوا ربنا مش هيسبنيك. ايوة ربنا
مش هيتخلنى عنك. ايوة - 00:20:28

ربنا سبحانه وتعالى كريم وعظيم. سبحانه وتعالى كل اسم فالباعث. الباعث ده اللي بفكرة واحدة يحولك لبطل هو ايه الفرق بين
الطالب اللي بيزاكر عشرين ساعة والطالب اللي مش عارف يصفي نص ساعة في اليوم؟ ان ده عنده دافع مخليه بيغلي. وده ما فيش
جواه حاجة - 00:20:48

ايه الفرق بقى؟ الفرق والباعس ان ربنا الدال ده دافع ان شفت بقى الدافع ده قوة الدافع. الدوافع فالباعس ده حاجة مهمة اوي من
صفات ربنا مهمة اوي اوي اوي المعيد. المعيد انه يبدأ ويعيد. المعيد المعيد ايه؟ آآ يعني قال لك آآ ميسي جاب كورة مسلا -
00:21:07

آآ في المقص فقال لك طيب ما اللعيب السوداني الفلاني جاب جون احسن منه اصلا! هو اشمعنى جون ميسي اللي قالبين الدنيا عليه!
قال لك لا أصل اللعيب السوداني جه لك معه مرة كده قلش يعني - 00:21:32

فقامت مسلا او اللعيب المصري او اي لعيب يعني مش يعني جلت معه كده. قال لك انما ميسي هو يعرف يعيدها. يعني هو كل مباراة
بيعرف يجيب جون بنفس المنزر - 00:21:43

عرفت يعني ايه المريض يعني؟ فيه ناس تعرف ان هي تعمل الانجاز ولكن لو قلت له هات الكورة في المقص تاني ما يعرفش لو قلت
له ارسوم لي لوحة ابداعية او اعمل لي قصيدة مزهلة زي اللي انت عملتها دي. ما يقدرش. اعزم الشعراء. عمل المعلقة اللي علقوها على
الكعبة. هيعرف يعمل زيها تاني ما يقدرش - 00:21:53

ما يقدرش هو انا هي لحزة كده يقول لك ده التجلي. لحزة تجلي. انما المواعيد ربنا كل معجزة من المعجزات عملها ربنا يقدر يعيدها
الف مرة. ربنا كل اللي ربنا اداه لك في يوم - 00:22:11

الايام ربنا يقدر يعيده لك تاني. ويعيد عليك نعمته لان ربنا قادر سبحانه وتعالى. آآ من الاسماء الجميلة قوي الرافع او رفيعة درجات اه
صفة صفة من صفات ربنا قال لك رفيعة درجات بعض المفسرين قالوا اي رافع الدرجات. اللي بيرفعك يعني ايه يرفعك؟ يعني ايه بين
السجدتين لما تقول واجبرني - 00:22:21

وارفعني يعني ارفعني. رقتي يا رب انا عايز اترقى رقتي في الصيام انا مش قادر اصوم. رقتي رقتي في القيام رقتي في الدين.

انا ما بتكلمش عنك في الدعوة رقيني واستعملني - 00:22:41

في اللي فرقيني خليني اترقى عندك يا رب. الرافع سبحانه وتعالى. فده او رفيع الدرجات سبحانه وتعالى الجامع. الجامع دي بقى كل انسان مننا عنده عشرين حلم في الحياة. ولكن كل انسان فاهم ان هو اقصى حاجة ممكن تحصل مسلا اربع خمس احلام منهم يتحققوا. ويبقى مبسوط قوي قوي. انا عايز اتجوز واحدة جميلة قوي - 00:22:53

واحد ابقى غني اوي وعايز ابقى آآ طالب علم اوي. وعايز آآ اسافر برة ومش عارف ايه. وعايز يبقى عندي شركة ايه وعايز اجيب عربية ايه كل ده مين اللي يقدر يجمعه لك؟ الله! الجامع - 00:23:15

في الجامع عسى الله ان يأتيني بهم جميعا. اللي يقدر يجيبها لك كلها على صينية من فضل وربنا. انما ما سوى ذلك شتات. ناس مشتتة الوحيد اللي يقدر يجمع عليك امرك ويجمع عليك بالك هو ربنا. والا تبقى انت نفسك من جوة متقطع. كل حنة في نفسك بتجري على حلم من احلامك. فانت من جوة متقطع - 00:23:28

اصلا من جوة خناقات. من جوة اتنين قاعدين يتخانقوا عليك جوة. حد بيتخانق وبيقول لك يلا بص للسما وحد بيتخانق وبيقول لك بص للارض. حد بيتخانق وبيقول لك بص الدنيا وحد بيتخانق وبيقول لك بص للاخرة. حد قاعدين يقطعوا فيك من جوة الجامع اللي يجمع عليك امرك. اللي يجمع عليك شملك. اللي يجمع لك احلامك - 00:23:48

طموحاتك المانع المانع الله المانع يعني ايه المانع؟ المانع اللي هو بيمنع عنك الخير يعني ربنا ما يمنعش الخير عن حد. لو حاجة ربنا منعها عنك ايقن انها قمة الخير زي سيدنا موسى حرمننا عليه البراءة - 00:24:08
لولا منع عنه المراضع ما كانش راجع لاه. ما كانش فالمانع خير غير ان المانع لها معنى ثاني جبار. الراجل لما مسك السيف وراح للنبي عليه الصلاة والسلام والنبي نايم - 00:24:20

وحط السيف على رقبته قال له من يمنحك مني؟ من يمنحك؟ مين يحميك؟ مين يصد عنك؟ قال الله. الله المانع. سبحانه وتعالى. فاسم الله اسم عظيم اسم جبار. اسم بيخليك تعرف عارف السمكة شفت صورة - 00:24:30

لسمكة واحد اصطادها. فبيفتح بقها بس سمكة كبيرة. صورة انا شفتها بعيني يعني. بيفتح بق السمكة لقي ضفدعة بتنط من بق السمكة. فمصورها مصور الضفدعة وهي جاية خارجة من بوق السمكة. السمكة بلعت الضفدعة ولسه بقى ما كلتهاش صايدها - 00:24:48

فلما اصطاد السمكة الكبيرة الضفدعة خرجت خلاص بقى ما ماتتش بعد بقت في بق السمكة. اهو ده المانع. المانع ان انت خلاص عدوك بلعك خلاص الخطر تربص بك وربنا قدر حاجة تهلك عدوك وتنجيك انت ما تياأسش مع ربنا لآخر لحظة. ما تياأسش مع الله ابدًا - 00:25:04

لاخر لحزة وواسق زي سيدنا ابراهيم وهو بيترمى في النار بيقول حسبي الله ونعم الوكيل. خليك واسق ربنا كبير. ربنا قادر سبحانه وتعالى زي ما ربنا قال للصحابة في القرآن كما - 00:25:24

ربك من بيتك بالحق. يعني ايه كما؟ قال لك يعني انتم كنتم خارجين ومش طايقين. وعايزينها غنيمة ولكن ربنا ارادها ملحمة. انتم كنتم عايزين غير ولكن ربنا اراد ان بدر دي تبقى سر انتصار وعزة الاسلام في الكرة الارضية. فانت خارج في مشوار دعوي وانت مش متخيل الاسار الجبارة للمشوار - 00:25:34

الدعوي ده ولا للسفريه الدعوية دي على مستقبل حياتك ومستقبل الدعوة. في البلد اللي انت عايش فيها ولا في الدنيا انت ما انتاش عارف ربنا بيرتب خير ايه من ورا الحاجة اللي انت مستتقلها. في الدين ولا الخطوة اللي انت مستتقلها في طاعة ربنا سبحانه وتعالى. ربنا كبير. اسم الله الكبير - 00:25:54

كورونا عرفتنا اسم الله الكبير. لما شفنا الدول الصناعية السبعة الكبرى بتركع. مش عارفين يعملوا حاجة. مش عارفين اسم الله الكورونا جه. كورونا خفت كورونا بيرجع ثاني. ما حدش عارف يعمل حاجة اصلا. سبحان الله! ان الكبير بقى لما يسלט جندي صغير زي الفيروس كده على البشر. يحصل ايه بقى؟ الكبير سبحانه - 00:26:14

هو الكبير اسم الله العزيم. يعني ايه العزيم يا جماعة؟ العزيم اللي اي حاجة تتحط جنبه تتطفى وتحقر. يعني العزيم اللي نوره لو جمعت نور الشمس والكون ونور السماوات والارض. جنب نور الله كل الكون يبقى نور ولا شيء. اللي - [00:26:34](#)

لو جمعت قوة القوة الكهرومغناطيسية وقوة الجاذبية المضادة وقوة الجاذبية وقوة الوضع والقوة النووية والهيدروجينية والقوة جمعت جميع انواع القوى المزهلة اللي بتسير الكون ده كله. وقوة الملائكة وقوة حملة العرش. جنب قوته - [00:26:54](#)

لا شيء لا شيء لو جمعت غنى المليارديرات وغنى رجال الاعمال وغنى اصحاب الخزائن وغنى جنب غناه لا شيء. فالعظيم اللي بجد جانب عظمته يحقر كل شيء. سبحانه وتعالى. اومال الحليم بقى؟ لأ الحليم ده حاجة تانية خالص. الحليم ده - [00:27:14](#)

يعني هو ايه الاول في عرف البشر عند البشر؟ ايه عكس الحلم؟ عكس الحلم الطيش. فلان حليم ان هو فلان ده طايش يعني ايه طيش يعني هتغورني هاعورك ها هتخبطني هاخبطك. هتضايقني هتستغزني. ما لكش دعوة انا اعمل فيك ايه بقى. ما تخليش اغضب. اصل انا لما اغضب ما تعرفش اعمل فيك ايه. ده اسمه الطيش - [00:27:34](#)

امال الحلم الحلم طول البال. اللي هو مهما زعلتني انا برضو لسة هادي مش همد ايدي عليك. مش هاعمل حاجة. هاديك فرصة تانية. هاديك ميت فرصة تانية. فالحلم طول البال. عشان كده حلمة السدي اللي الام بترضع - [00:27:54](#)

هي اشمعنى دي اللي اسمها حلبة؟ آ الولد قعد يرضع امه عندها طول بال معه. طول بال. الولد قعد نص ساعة امه قاعدة قعد ساعة امه قاعدة وبياخد اللبن نقطة نقطة نقطة بهدوء. من غير ما اي حاجة توتره. ولا اي حاجة تربكه. ولا اللبن بيتدفق في بقه فالواد ببيلع الواد نفسه بينام - [00:28:11](#)

وهو مش حاسس قعد ياخده لقطة لقطة. والحلمة دي لا فيها شوك ولا فيها اي حاجة تضايق شفت الحتة دي سموها الحلبة. يعني يعني ايه الحليم يعني شفتك يعني ايه الحريم ده يعني اغلط مهما تغلط - [00:28:31](#)

هو برضو سبحانه وتعالى حلمه اوسع من اخطائك. مهما كانت ده يفكرك بقى باسم الله الرحمن الرحيم. الحاجة المزهلة لما نيجي نقرأ وصف العرش في القرآن والسنة حاجة مزهلة العرش وارواح الشهداء المعلقة في العرش وحلمة العرش المزيلى والعرش - [00:28:46](#)

اكبر من الكون هو فيه ملك! حجم عرشه اكبر من حجم مملكته! ايه ده! ايه العزمة دي! والملائكة اللي قاعدة بتصحى ولا ان العرش العرش ده بقى ربنا كتب فوقه حاجة - [00:29:05](#)

متوقع ان عرشه بالمنزر ده الملك اللي عنده عرش بالمنزر ده يكتب فوقيه يا ويل اللي هيزعلني يا ويل اللي هيغضبني يا ويل اللي هيتمرد علي ربنا كتب في العرش ايه؟ رحمتي سبقتك - [00:29:17](#)

ايه الجمال ده! هو ده الرحمن الرحيم بقى! عايز تعرف يعني ايه الرحمن الرحيم افتكر منزر الجنين وهو قاعد جوة الرحم. واحد يتغزى وقاعد يتروق على شبابه وربنا يجيب له الخلايا اللي هو لسة حته زي جوت صغير كده. تقوم عاملة حاجز واقى بينه وبين الرحم. هو لسة حته خلية - [00:29:27](#)

كده ايام ما كنت حضرتك لسة قد آ قد آ قرقوشة الملح كده قد حباية الملح. لسة ما انتاش حاجة اصلا. وربنا يعمل لك الخلايا دي عشان تبقى ما بينك وما بين خلايا المناعة بتاعة الام لانك انت جسم غريب اصلا. لو لو جهاز المناعة بتاع الام كان شم عنك خبر وانت في - [00:29:47](#)

بطن والدتك تسع شهور كان نسفك كان حولك حته لحمة معفنة كان دمرك. لو كان جهاز المناعة الجبار المزهل المعجز بجميع الاسماء الرهيبة الخارقة اللي ربنا اداها في في الجهاز المناعة ده ده لو كان شم عندك خبر وانت في بطن الست الوالدة في اي لحزة في التسع شهور كان نسفك - [00:30:07](#)

لانك جسم غريب اصلا هو بيسكت على اي جسم غريب! ده بيقلب الدنيا! امال انت ازاي ربنا بعث لك بقى شوية ايه آ ما اعرفش نسميهم ايه الخلايا اللي مش يعني ايه الاسم اللي في الدنيا اللي ينفع يتسمى به النعمة دي؟ فضلت واقفة كده ايه عارف اما اما تزعل ابوك فابوك يقوم ماسك الشبشب - [00:30:30](#)

سيبه يجري وراك فتقوم والدتك تخبيك وراها. فانت مش باين من ورا والدتك. فابوك بيدور عليك وفعلًا عايز يضربك. وانت مش بايت. وهي تقول له هو جه من هنا هو راح - [00:30:50](#)

هنا وراح منين فخلاص مش عارف اهي خلايا الترفك لازم تقوم واخداك كده مخبياك وراها كدهو والجهاز المناعة قاعد دوريات ليل نهار مش عارف يوصل لك العلماء الى هذه اللحظة مسئولين هو الجنين ده عدى من الرحم ازاي؟ ازاي؟ عدى من غير ما جهاز المناعة ده لو كان جهاز المناعة اكتشفوه - [00:31:00](#)

آآ سبحان الله العظيم الرحمن الرحيم. الرحمن الرحيم. اسماء الله الحسنى. اسماء بتديك امل في الحياة. بتديك جمال. بتديك اسم الله الكريم اما اما امشي ورا عربية فاكهة كده على الطريق مقطورة كلها طماطم. ولا كلها مانجة ولا كلها فراخ؟ ولا كلها هو يا رب ولا تشوف منزر الشتا - [00:31:20](#)

ليه كل ده يا رب؟ كل ده يا رب هو ربنا اما بيدي بيدي بكرم. ربنا ما بيدي بيدي بفائض. سبحانه وتعالى كل ده ربنا كريم اوي اوي ما يدكش ليه؟ الحاجة اللي انت نفسك تاخدها من ربنا دي انت عارف بالظبط كده اللي قاعد مهموم لان هو عنده حاجة نفسه ياخدها من ربنا - [00:31:40](#)

واخدها. فعامل بالزبط زي اب ادى لابنه مسلا خد يا ابني المليون جنيه تتفسح بها. وخذ يا ابني الخمسة مليون جنيه دول هات لك بهم شقة. قل لها خد يا ابني العشرة وبعد كده الواد قاعد زعلان. ليه؟ انا ضربت - [00:32:00](#)
ابويا عشرة جنيه وما ادانيش. يا ابني انت مجنون يا ابني! ده انت الثلاثة مليون فلتر ترشيح اللي ربنا اداهم لك هيلتك! والله العظيم ما تشتروهم باموال الدنيا من اوله لآخرها - [00:32:10](#)

تشتري مين ولا تعمل ايه هو انت انت انت مش عارف ربنا اداك ايه ده الغدة النص جرام الغدة النخامية دي بتفرز ستاشر هرمون كل هرمون منهم بيتوقف عليه حياتك. حياتك موزونين بالميكرو. هو انت انت انت مش انت مش فاهم انت ربنا اداك ايه لما ما تاخدش العشرة جنيه من اللي اداك المليون والمليار والخمسين - [00:32:19](#)

مليون والعشرين مليون ابدأ بقى فكر هو فيه ايه! يعني بالتأكيد فيه حاجة عندك يعني ما هو يعني اقرأ وربك الاكرم اسم الله الاكرم. عايز تعرف يعني ايه الاكرم؟ ادخل على جوجل واكتب آآ تطور الجنين في بطن الام. آآ عبر الاسابيع. شف ربنا كل - [00:32:39](#)
كل اسبوع في بطن الام كان بيديك كل اسبوع لكن اسبوع مش عارف التناشر. القلب اكتئب نبض اسبوع تلاتاشر. الاعصاب حصل فيها ايه؟ الاسبوع الاربعناشر. الكبد بدأ يعمل والحوصلة بقى اسبوع الخمستاشر. الغضاريف بدأت والمفاصل اسبوع ستاشر. اسبوع سبعتاشر اسبوع تمتناشر. ادي يدي يدي يدي. كل نقطة من اللي ربنا اداها - [00:32:55](#)

الرحم دي لو بازت وانت عايش ولا اموال الدنيا تعرف تجيبها لك الاكرم سبحانه وتعالى انت انت بتتعامل مع مين؟ مع الله سبحانه وتعالى. من هو الله؟ وما هو كرم الله؟ اسماء الله الحسنى - [00:33:15](#)
اسماء جميلة اوي السلام. السلام يعني مصدر السلامة في الحياة. مصدر الحفز من الفتن ومن الامراض ومن البهدة. السلام يعني الذي لا لا يغير ما فيش خرة هتيجي عليك من ربنا - [00:33:30](#)

ما فيش هجمة هتيجي عليك من ربنا. السلام. امال المؤمن المؤمن مصدر الطمأنينة اسم ضد التوتر بقى. مصدر الطمأنينة والامان في الحياة السلام بالانجليزي يقول لك مصدر السلام مصدر انك تعيش في سلام في حياتك. من اسماء الله الحسنى - [00:33:45](#)
الجميلة جدا اسم الله اللطيف. اللطيف ده يعني كنت مرة دخلت المستشفى فيعني كان تعبت فيها شوية يعني آآ الحمد لله وربنا قدر الواحد في اخر لحظة قبل ما ادخل بقى آآ اوضة الصدمات الكهربائية بفضل ومنة الله يعني ايه جه الشفاء من عند ربنا وخرجت - [00:34:05](#)

فسافرت يعني طبعا انا خارج فعلا تعبان يعني ايه يعني مش تعبان بدنيا انا تعبان نفسيًا. يعني يعني التعب اللي الواحد شافه آآ العناية بتاعة القلب آآ هز الواحد نفسيًا وحس الواحد بالقلق كده طب الموضوع ده لو جه تاني طب الوضع هيعمل ايه؟ فقعدت كده سافرت مكان ساحلي كده وكنا في الشتا ولوحدي اصلا - [00:34:25](#)

وقاعد كده قدام البحر بالليل انت تحت رجلك نار. تحت القشرة الارضية دي نار. انت اللي بيطلع لك منها ايه؟ بيطلع لك منها الازهار اهو ده اللطيف اللي تحت رجلك نار وطلعه وانت مش شايف حاجة. انت مش شايف غير الازهار. السما برة السما دي برة كائن متوحش. المجرات والنجوم الافلاك - [00:34:47](#)

والاشعة الكونية الاشعة اللي في الكون والاشعة الشمسية والعواصف الشمسية والسدم والمجرات الحاجات دي كلها وحوش مرعبة. يعني زي ما قال علماء الفيزياء بالزبط. قال لك انت حياتك على وجه الارض دي معجزة. انت ازاى عايش وسط الكون المرعب ده؟ قال لك بالزبط بالزبط عشان تعرف - [00:35:07](#)

المعجزة اللي انت فيها انك عايش ومبسوط وسليم. قال لك هي معجزة جنبنا ميت واحد قناصين وماسكين رشاشات متعمرة. وانت واقف قدامهم والمية قعدوا ينشئوا ويضربوا فيك. في نفس اللحظة وفي الاخر لقينا ولا طلقة جت فيك. ازاى - [00:35:27](#)
انا عندي ميت سبب للهلاك ودمار الارض ودمار البشر. ودمار الغلاف الجوي ودمار الحياة حواليا. انا ازاى عايش امن كده! انا ازاى عايش مبسوط وده انت لو بصيت من الشباك قلبك يتخلع. انت لو بصيت بس هتكون من برة واللي بيحصل والاشعة والبتاع قلبك مين اللي مأمك اوي كده؟ ومين اللي - [00:35:44](#)

خليك عايش كده وامن جعل الارض قرارا. معجزة الارض دي كانت المفروض تبقى زلازل ورعب وامطار حمضية السماء بتشتت مية نار زي الكواكب الثانية الارض دي كان المفروض حرارة رهيبه وتليقي ووليد المفروض الارض كانت شبه كده امن جعل الارض قرارا قاعد باشا كده ومستقر - [00:36:04](#)

مين اللي عمل لك ده؟ الله سبحانه وتعالى حزنك وهم. خوفك وهم. قلقك وهم. انت قلقان من وهم. المشكلة اللي انت قلقان انها تحصل ده حسيت لك ميت مرة قبل كده وراحت - [00:36:24](#)

قلقان من ايه؟ ان ربا كفاك بالامس سيكفيك في غد ما يكون. كل اللي مزعلك شايلك الهم كله اوهام اصلا وليست حقائق عيش مع ربنا سبحانه وتعالى. عيشي بقلبك مع الله. عيش بقلبك مع اسماء الله الحسنى. الاسماء الحسنى دي معجزة. معجزة هي الجنة بتاعة الارض. معجزة من معجزات الاسلام - [00:36:34](#)

ان الاسلام ادانا الاسماء ده ايه؟ عشان نعيش السعادة ونعيش الفرحة ونعيش اجمل احساس في الكون في اتصالنا بالله سبحانه وتعالى مهما اتكلمت في اسماء كتير كنت عايز اتكلم عنها. ولكن يعني هو هدف الحلقة دي هو بس يعني معنى كده. معنى يا جماعة ان الاسماء الحسنى - [00:36:54](#)

حاجة مهمة ومحتاجة جهاد مننا ومحتاجة كفاح مننا. اللهم اللهم انا عبيد بنو عبيدك بنوا امائك نواصي نبيك بيدك ماض فينا حكمك. عدل فينا قضاؤك. نسألك بكل اسم هو لك. سميت به نفسك. نسألك بكل اسم هو لك - [00:37:14](#)

سميت به نفسك او انزلته في كتابك. او علمته احدا من خلقك او استأثرت به في علم الغيب عندك. ان تجعل القرآن العظيم ربيع قلوبنا ونور صدورنا وجلاء احزاننا وذهاب همومنا. سبحانه اللهم وبحمدك. اشهد ان لا اله الا انت. استغفرك واتوب اليك - [00:37:34](#)
- [00:37:54](#)